

Broj: 0101-4548-10/20
Sarajevo, 09. 07. 2020. godine

Na osnovu člana 72. stav (3) tačka a) Zakona o javnim nabavkama („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku robe – Laboratorijska oprema, na preporuku Komisije za javnu nabavku broj: 0101-4548-9/20 od 06. 07. 2020. godine, rektor Univerziteta u Sarajevu donio je

ODLUKU
o dodjeli ugovora drugorangiranom ponuđaču

Član 1.

Prihvata se preporuka Komisije za javnu nabavku broj: 0101-4548-9/20 od 06. 07. 2020. godine i ugovor o javnoj nabavci robe – Laboratorijska oprema, u skladu sa Odlukom broj: 0101-4548-8/20 od 17. 06. 2020. godine, dodjeljuje **drugorangiranom ponuđaču APICAL d.o.o. Paromlinska 53d, 71000 Sarajevo**, čija ukupna cijena ponude iznosi: 6.410,00 KM bez PDV-a (slovima: *šesthiljadačetiristotinekvertibilnihmaraka i 00/100*), iz razloga što je u otvorenom postupku, ponuda navedenog ponuđača po rang listi odmah nakon ponude najpovoljnijeg ponuđača EMEDING d.o.o. Azize Šaćirbegović bb, PPO-6 71000 Sarajevo.

Član 2.

Drugorangirani ponuđač dužan je na adresu Univerziteta u Sarajevu, Obala Kulina bana 7/II, 71000 Sarajevo, **u roku od 3 (tri) dana od dana zaprimanja Odluke, dostaviti originale ili ovjerene kopije dokaza traženih Tačkom 12.1. Tenderske dokumentacije, sve taksativno kao što je navedeno u Tački 12.1. podtačke a.1), a.2), b), c) i d) Tenderske dokumentacije**, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će biti objavljena na web stranici Univerziteta u Sarajevu www.unsa.ba.

O b r a z l o ž e n j e

Odlukom broj: 0101-4548-8/20 od 17. 06. 2020. godine, prihvaćena je preporuka Komisije za javnu nabavku broj: 0101-4548-7/20 od 15. 06. 2020. godine, za donošenje odluke o izboru najpovoljnijeg ponuđača, te je ugovor o javnoj nabavci robe Laboratorijska oprema, dodijeljen ponuđaču **EMEDING d.o.o. Azize Šaćirbegović bb, PO-6, 71000 Sarajevo**, čija konačna cijena ponude iznosi **6.290,00 KM bez PDV-a** (slovima: *šesthiljadadvijestotinedevadesetkonvertibilnihmaraka i 00/100*) bez PDV-a, iz razloga što je u otvorenom postupku, nakon uspješno završene e-aukcije, u skladu sa kriterijumom najniža cijena, ponuda ponuđača ocijenjena kao najpovoljnija.

Članom 2. navedene Odluke utvrđeno je da je izabrani ponuđač **EMEDING d.o.o. Azize Šaćirbegović bb, PO-6, 71000 Sarajevo**, dužan na adresu Univerziteta u Sarajevu, Obala Kulina bana 7/II, 71 000 Sarajevo, **u roku od 3 (tri) dana od dana zaprimanja navedene Odluke, dostaviti originale ili ovjerene kopije dokaza traženih tačkom 12.1. Tenderske dokumentacije, sve taksativno kao što je navedeno u Tački 12.1. podtačke a.1), a.2), b), c) i d) Tenderske dokumentacije**, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Uvidom u dokumentaciju predmetnog postupka javne nabavke, Komisija za javnu nabavku utvrdila je da je Odluka broj: 0101-4548-8/20 od 17. 06. 2020. godine o izboru najpovoljnijeg ponuđača i dodjeli ugovora o javnoj nabavci robe Laboratorijska oprema, dana 18. 06. 2020. godine, upućena svim

ponuđačima koji su pravovremeno dostavili svoje ponude. Uvidom u obavijest o prijemu pošiljke utvrđeno je da je izabrani ponuđač EMEDING d.o.o. Azize Šaćirbegović bb, PO-6, 71000 Sarajevo primio navedenu Odluku dana 22. 06. 2020. godine, od kada se računa rok za dostavu dokumentacije tražene članom 2. Odluke. Komisija je uvidom u knjigu Djelovodnog protokola Univerziteta u Sarajevu i dokumentaciju predmetnog postupka nabavke utvrdila da izabrani ponuđač EMEDING d.o.o. Azize Šaćirbegović bb, PO-6, 71000 Sarajevo, **nije u ostavljenom roku dostavio dokumentaciju traženu članom 2. Odluke**, a o čemu je bio upoznat i na šta je pristao dostavljanjem u ponudi potpisane i ovjerene Izjave o ispunjavanju uslova lične sposobnosti iz člana 45. stav (2) tačka a) do d) Zakona o javnim nabavkama.

Naime, Tačkom 30. Tenderske dokumentacije broj: 0101-4548-3/20, objavljene dana 18. 05. 2020. godine, utvrđeno je da ugovorni organ, **prema članu 72. stav 3. tačka a) Zakona, dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, ako izabrani ponuđač propusti da dostavi originale ili ovjerene kopije dokumenata iz člana 45. ne starije od 3 (tri) mjeseca od dana dostavljanja ponude.**

Odlukom o izboru najpovoljnijeg ponuđača i dodjeli ugovora broj: 0101-4548-8/20 od 17. 06. 2020. godine, utvrđeno je da je drugorangirani ponuđač APICAL d.o.o. Paromlinska 53d, 71000 Sarajevo, čija ukupna cijena ponude iznosi 6.410,00 KM bez PDV-a (slovima: šestiljadačetiristotinekonvertibilnihmaraka i 00/100).

Komisija za provođenje postupka javne nabavke je izvršila i provjeru osiguranih sredstava u smislu obezbjeđenja dodatnih sredstava za predmetnu nabavku, uzevši u obzir da je cijena drugorangirane ponude neznatno veća od procijenjene vrijednosti predmetne nabavke.

Komisija za provođenje postupka javne nabavke je uvidom u dokumentaciju, utvrdila i da su svi ponuđači koji su učestvovali u postupku javne nabavke uredno zaprimili Odluku o izboru najpovoljnijeg ponuđača, te da je protekao zakonom utvrđeni rok za ulaganje žalbi.

S obzirom na naprijed navedeno činjenično stanje, Komisija za provođenje postupka javne nabavke dala je preporuku rektoru Univerziteta u Sarajevu da donese odluku o dodjeli ugovora drugorangiranom ponuđaču APICAL d.o.o. Paromlinska 53d, 71000 Sarajevo, čija ukupna cijena ponude iznosi: 6.410,00 KM bez PDV-a (slovima: šestiljadačetiristotinekonvertibilnihmaraka i 00/100), iz razloga što je u otvorenom postupku, ponuda navedenog ponuđača po rang listi odmah nakon ponude najpovoljnijeg ponuđača EMEDING d.o.o. Azize Šaćirbegović bb, PO-6, 71000 Sarajevo.

Iz gore navedenih razloga, u skladu sa članom 72. stav 3. tačka a), prihvaćena je preporuka Komisije broj: 0101-4548-9/20 od 06. 07. 2020. godine, te je odlučeno kao u članu 1. ove Odluke.

REKTOR

prof. dr. Rifat Škrijelj

Dostaviti:

1. APICAL d.o.o. Paromlinska 53d, 71000 Sarajevo
2. EMEDING d.o.o. Azize Šaćirbegović bb, PO-6, 71000 Sarajevo
3. Prorektor za finansije
4. Generalni sekretar
5. Služba za računovodstvo i finansije
6. Služba za javne nabavke
7. web stranica UNSA
8. a/a

Prilog: - Zapisnik Komisije broj: 0101-4548-9/20 od 06. 07. 2020. godine